



Sulisartunut ikiorsiissutit pillugit apeqqutit akissutillu (Namminersortutut suliffeqarfinnut aningaasarsianik taarsiissutit)

Opdateret: 25-03-2020
Version: 0.1
Sagsnr. 2020 - 5583

Aningaasarsianik taarsiissutininut aaqqiissut tamatigoortumik

Apeqqut: Aningaasarsianik taarsiissutininut aaqqiissutip suut nassatarai?

Akissut: COVID-19-ip malitsigisaanik soraarsinnissaanut taarsiullugu suliffeqarfiup sulisut angerlartitaasa amerlaqataannut namminersortutut suliffeqarfinnut aningaasarsianik taarsiigallarnermik ikiorsiisoqarpoq.

Aaqqiissut Coronavirusip (COVID-19-ip) malitsigisaanik immikkut ittumik sakkortuumik aningaasaqarnikkut eqqorneqartunut, taamaattumillu sulisorisat minnerpaamik 30 %-iinik imaluunniit sulisumini 25-t sinnerlugit soraarsitaqarnissamik kalerriisussangortunut namminersortutut suliffeqarfinnut aaqqiissut atuuppoq. Taarsiissuteqarnermut aaqqiissut ulloq 30. juuni 2020 tikillugu ilanngullugulu atuutissaaq. Suliffeqarfiit taarsiissuteqarnissamut aaqqiissut nutaaq atorsinnaavaat.

...

Apeqqut: Aningaasarsianik taarsiissuteqarnermut aaqqiissut kikkunnut atuuppa?

Akissut:

- **Namminersortut sulisoqartut**
Assersuutigalugu ataatsimik sulisitaqaruit assigaa sulisuusunit 100 %-it, taamaattumillu isumaqatigiissummut ilaavutit.
- **Tamakkiisuunngitsumik suliffeqartut**
Aningaasarsianut taarsiissutit sulisunut eqqorneqartunut taakkununga aningaasarsianut aningaasartuutit 75 %-isut naatsorsorneqarput. Tamakkiisuunngitsumik sulisoqassaguit aningaasarsiaat naatsorsuutininut tamakkiisunut taakkununga ilanngutiinnarneqassapput.
- **Sulisut sulisartut kattuffiini ilaasortaannngitsut**

Sulisunut sulisartut kattuffiini ilaasortaangitsunut taarsiissutinik pissarsisinnaavutit.

...

Apeqqu: Aningaasarsianik taarsiissuteqarnermut aaqqiissut kikkunnet **atuutinnigila?**

Akissut:

- **Pisortat suliffeqarfiutaat, imaluunniit pisortanit pigineqartutut suliffeqarfiit**
- **Namminersortut sulisoqangitsut, pinngitsuugaqarfigalugit** (takulaaruk Angallateerarsorlunga aalisartuuvunga; aningaasarsianik taarsiissutinik pissarsisinnaavunga?).
- **Laajat**
Aaqqiissut laajanut matussusiinngilaq, tassaasunut sulisut ullormut/nal. akunneranut ilaanneeriarlutik atorfinitsitaasartunut, ullulli marluk sinnerlugit atorfeqarnissaannik isumaqatigiissuteqarfiunngitsut.

...

Apeqqu: Angallateerarsorlutik aalisartunut aaqqiissut qanoq atuuppa?

Akissut: Taamaallaat aningaasarsianik taarsiissuteqarnermik pissarsisoqarsinnaavoq ”angerlartinneqassaguit”, tassalu COVID-19-imik nalaatarisaq pissutigalugu piffissami pineqartumi sulinnikkuit.

Angallateerarsorlutik aalisartuuguit, aammalu ”imminut angerlartikkuit” qanoq isertitaqassasimanerit uppersassavat, tassalu qaammatini 12-ini kingullerni qaammatikkaani agguaqatigiissillugit isertitatit tassani pineqarput.

Qaammatini kingullerni 12-ini (qulaaniittoq takuuk) agguaqatigiissitatut naatsorsukkatut ”anigaasarsiannit” 75 %-it (annertunerpaamik kr. 20.190,-) taarsiivigisatut pissarsiarissavatit, ullunilu 30-nik sivilissusilittut piffissani tamani ulluni tallimani feeriarissaq allatulluunniit sulinnigiffeqarnissaq piunasaqaatigineqassaaq (takuuk Aningaasarsianik taarsiissuteqarfiup nalaani sulisoq feriaqarnermik atuissava?). Piviusutut ”angerlartitaanissat” uppersassavat, tassalu COVID-19-imik nalaataqarfiusimanera pissutigalugu aalisartoqarsinnaanngilluinaarmat.

...

Apeqqu: Sulisoq Nuummiittariaqalersimasoq, aammalu atorfimmi suliaasaqarluni angalanermut atatillugu angerlarsinnaanngitsoq angerlartinneqarsinnaava?

Akissut: Aaqqiissut sulisunik angerlartitsinerinnarmut matussusiivoq, sulisorlu atorfimmi suliaasaqarluni angalasoq angerlartinneqarsinnaanngilaq.

...

Apeqqu: Sulisumut, assersuutigalugu COVID-eqarnermik nalaataqarnerup malitsigisaanik ulloq 1. aprili 2020-mi atorfeqalersussamut aningaasartuutunik aaqqiissut matussusiiva?

Akissut: Taamatut pisoqarfiusumut aaqqiissutit matussusiinngillat.

Aningaasarsianik taarsiissutit qanoq amerlatigaat

Apeqqu: Taarsiissutit qanoq amerlatigisut pissarsiarissavigit?

Akissut:

- **Piffissami sulisut qanoq annertutigisumik aningaasarsiaqassappat**
Taarsiigallarnermik piffissami sulisunut suliffeqarfik tamakkiisumik aningaasarsiaqartitsiuassaaq, naak Coronavirusimit (COVID-19-imit) aningaasaqarnermikkut annertuumik eqqugaasimassagaluarunilluunniit.
- **Namminersortutut suliffeqarfiup taarsiissutunik qanoq annertutigisumik pissaqassanera**
 - *Aalajangersimasumik atorfeqartunut:* Piffissaq tamakkerlugu sulisunut ilaasunut ataasiakkaanut tamanut qaammatikkaani aningaasarsianik taarsiigallarnek aningaasarsianut aningaasartuutinit 75 %-iussaaq, taamaattorli annertunerpaamik 20.190 kr.-usunik.
 - *Nal. akunnermusialinnut:* Sulisunut ataasiakkaanut tamanut qaammatikkaani aningaasarsianik taarsiigallarnek 75 %-iussaaq, taamaattorli annertunerpaamik 20.190 kr.-usunik.

Malugiuk: Taarsiissuteqarnissamut pissarsinissamut sulisoq piffissaq tamakkerlugu atorfeqartariaqanngilaq. Taarsiissuteqarneq sulisup suleqqilersinneratigut atuukkunnaassaaq.

...

Aningaasarsianik taarsiissuteqarnissaq pillugu qinnuteqaat tunniussinerillu

Apeqqut: Aningaasarsianik taarsiissuteqarnissaq pillugu qanoq ilillunga qinnuteqarsinnaavunga?

Akissut: Aningaasarsianik taarsiissuteqarnissaq pillugu qinnuteqaat qarasaasiakkut linki aqcutigalugu pissaaq, aaqqiissummilu piumasqaatinik naapertuutsitsisut taarsiivigineqarsinnaapput.

...

Apeqqut: Kikkut qinnuteqarsinnaappat?

Akissut: Suliffiit namminersortut tamarmik, aamma piumasqaatinik naapertuutsisut suliffeqarfiup suunera suliaqarfiusorlu apeqqutaatinnagit taarsiissuteqarnissamut qinnuteqarsinnaapput. Tamanna aamma makkununga atuuppoq:

- Peqatigiiffiit
- Aningaasaateqarfiit
- Suliffeqarfiit imminnut pigisut

Pisortat tapiissutigisaanni sullissisarfiit nalinginnarmik ingerlatsinermut aningaasartuutaasa affai sinnerlugit annikinnerusunik pissarsiaqarpata.

...

Apeqqut: Akiliuteqarnermut ingerlattagaq qanoq ittuaa?

Akissut: Sapinngisamik piaarnerpaamik taarsiissutissat akilerneqassapput.

...

Apeqqut: Qinnuteqaraanni allagaatit sorliit immersorneqassappat?

Akissut: Qinnuteqaruit qinnuteqaammi tullinguuttut makku nalunaarsussavatit:

- Suliffeqarfiup aqqa, CVR-normu, aamma suliaqarfiusoq.
- Oqarasuaatip normua, oqarasuaatip angallattakkap normua e-maililu.
- Konto normu (aningaasarsianik taarsiissutissat nuunnissaannut).
- Sulisut ilai angerlartitaasussat (minnerpaamik 30 %-it, imaluunniit ikinnerpaatut sulisut 25-t).
- CPR-normu, aningaasarsiat aamma sulisunut ataasiakkaanut tamanut suliaqarnerup annertussusia

- (sulisoq piffissaq tamakkerlugu sulisuunersoq imaluunniit ullup ilaani sulisuunersoq apeqqutaallutik)
- Aningaasarsiat allagartaat kingulleq.
- Piffissaq, taarsiivigineqarnissamut kissaateqarfiusoq, kiisalu tamatumunnga tunngaviliineq, soorlu suliaassanik amigaateqarneq.

...

Apeqqu: Ilumoorneranik neriorsuinermillu nalunaarut sumik imaqarpa?

Akissut: Pisortanit ilumoorneraanermik neriorsuinermillu nalunaarut, tassaavoq paasissutissat tamarmik eqqortuunerannik (ilumoorneranik neriorsuinermillu nalunaarut linki aqutigalugu nassaarineqarsinnaavoq, aammalu taanna naqinneqassaaq, atsiorneqassaaq, scannerneqassaaq ivertinneqassallunilu).

...

Apeqqu: COVID-19-ip nalaataqarfiunera qaangerneqarpat allagaatit sorliit nassiunneqassappat?

Akissut. COVID-19-imik nalaataqarfik qaangerpat aaqqiissutip atorsimaneranut uppernarsaatit nassiunneqassapput.

Taarsiivigineqarnerup nalaa qaangiuppat piffissami nalunaarneqartumi tassani sulisunik eqqorneqartunik angerlartitsisimanerminik suliffeqarfiup uppernarsaanissaanik tamanna isumaqarpoq. Sulisut Coronavirusimik (COVID-19-imik) ajornartoorfiup aallartinnerani atorfeqarsimassapput.

Sulisartut sinniisorisaannik atorfeqartitsissaguit uppernarsaanermi sulisut suliaqartinnagit angerlartissimanerannik tassannga uppernarsaat ilaatinneqassaaq. Uppernarsaaneq kukkunersiuisartumit ikiorserneqarluni pisinnaavoq.

...

Apeqqu: A1-imik Akileraartarnermut Aqutsisoqarfimmut Nalunaarut tunngatillugu qanoq nalunaaruteqartoqassava?

Akissut: Nalinginnaasumik A1-imik Akileraartarnermut Aqutsisoqarfimmut Nalunaarummik nalunaarutiginnittuarneq qularnaassavat.

...

Aningaasarsianik taarsiissutitut aaqiissummi sulisuusunut malittarisassiat

Apeqqut: Sulisut aningaasarsianik taarsiissuteqarfiup nalaani suleqqusaappat?

Akissut: Sulisut soraarsitaanissamik aarleqquteqartut suleqqusaanngillat, piffissamili taarsiissuteqarfiusumi tamakkiisumik aningaasarsiaqartitaallutik angerlartinneqassapput.

...

Apeqqut: Sulisumik soraarsitaqarsimaguma malittarisassiat sorliit atuutissappat?

Akissut: Suliffeerunnermi ikiorsiissutitut imaluunniit pisortanit ikiorsiissutitut pisinnaatitaaffinnut tunngatillugu nalinginnarmik malittarisassiat taakku atuutissapput, pineqartumullu aningaasarsianik taarsiissutissanik pissarsissanngilatit.

...

Apeqqut: Aningaasarsianik taarsiissuteqarfiup nalaani feriaqarneq pillugu susoqassava?

Akissut: Ullunik 30-nik sivisussusilittut piffissap iluani taarsiissuteqarnissamut piffissarisamut atatillugu aningaasarsiallit ataasiakkaat suliffeqarfiup aningaasarsianik taarsiissuteqarnissamut qinnuteqarfigisaa katillugit ulluni tallimani feriasaaq aamma/imaluunniit qaangiuttoorsimanermut taarsiullugu sulinnigiffeqassaaq. Aningaasarsiaqartoq ullut 30-t qaangiunnerini suli ullunik tallimanik feriaqassaneranik, allatulluunniit ilusilimmik sulinnigikkallarnissaanik tamanna isumaqarpoq. Sulisoq ullut tallimat assinginik ferianngippat, qaangiuttoorsimanermut taarsiullugu sulinnigippat aningaasarsiaqarani sulinniginneq atuutisneqassaaq. Ullunut taakkununga aningaasarsianut taarsiissutaagallartunik suliffeqarfik pissarsisinnaanngilaq.

...

Apeqqut: Sulisorisaq qaammammi ilivitsumi angerlartitaassanngippat feriaqarnermut tunngatillugu qanoq iliortoqassava?

Akissut: Taamatut pisoqassappat feriaqarneq naleqqiussilluni ingerlanneqassaaq. Taamaattorli piffissaq sivikinnerpaaq tassaavoq ullut 14-ini feriaqarneq, assigalugu ullut 2,5-inik feriaqarneq. Sulisoq angerlarsimaffimmit sulissappat suliffeqarfik aningaasarsianik taarsiissutissanik pissarsisinnaanngilaq.

...

Apeqqu: Meeqqat paariniarlugit angerlarsimasoqartariaqassappat qanoq pissutsit issappat?

Akissut: Aallaaviatigut suliarortoqassaaq, arlaannillu meeqqanik paarsaqarsinnaasunik nassaarniartoqassalluni. Tamanna pisinnaassanngippat kommunimi paarsaqarnermut aaqqiissutit paasiniaaffigineqassapput.

...

Apeqqu: Sulisitsisup sapinngisamik piaarnerpaamik, aamma feriarnerup aallartinnissaa kingusinnerpaamik qaammatinik pingasunik sioqqullugu aningaasarsiaqartumut feriaqarnerup ataannartortaata inissisimanissaa pillugu nalunaaruteqartarnissaa suli atuuttua? Nalunaaquttap akunnerinut feriarfiusussanut sinneruttunut tunngatillugu feriarnerup aallartinnissaa kingusinnerpaamik qaammammik ataatsimik sioqqullugu nalunaarutigineqassaaq, takuuk Feriarneq pillugu Inatsisartut inatsisaat nr. 10, 12. novembari 2001-imeersumi § 9, imm. 1?

Akissut: COVID-19-imik nalaataqarnikkut Feriarneq pillugu Inatsisartut inatsisaat nr. 10, 12. novembari 2001-imeersumi § 9, imm. 1-imi piffissamut killiliussat sanioqqunneqarsinnaanerat nalilersuutigineqarpoq, takuuk § 9, imm. 2. Ilanngullugu taamatut atugasaqartitsilluni sulisitsisup feriarnissamik pilersaarut aalajangeriigaq allanngortissinnaagaa Feriarneq pillugu Inatsisartut inatsisaat nr. 10, 12. novembari 2001-imeersumi § 9, imm. 2-mi takuneqarsinnaavoq. Tassunga oqaatigineqassaaq allanngortitsinerup kingunerisaanik uppersarneqarsinnaasumik aningaasanik annaasaqarnermigut aningaasarsiaqartup taarsiissutinik pissarsinissaminut piunasaqarnera oqaatigineqassaaq, tamannalu Feriarneq pillugu Inatsisartut inatsisaat nr. 10, 12. novembari 2001-imeersumi § 9, imm. 3-mi takuneqarsinnaavoq. Aammattaaq aningaasarsiaqartuusup pilersaarutigisamisut feriarnissaanik sulisitsisoq allanngortitsisariaqassappat aningaasarsiaqartup uppersarneqarsinnaasumik aningaasanik annaasaanik sulisitsisup taarsiinissamut pisussaaffeqarnera inatsimmut oqaaseqaatini takuneqarsinnaavoq. Tamanna pisinnaavoq aningaasarsiaqartoq feriarnissaminik pilersaarutigisamini, takuuk § 9, imm. 1, timmisartukkut angalanernik taarsiivigineqarsinnaanngitsunik pisiaqarsimassappat.

...

Maalaaruteqarneq

Apeqqut: Aalajangiussinerut qanoq maalaaruteqartoqassava?

Akissut: Akileraartarnermut Aqutsisoqarfiup aalajangiussinera isumaqatigissanggikkukku Inuussutissarsiornermut, Nukissiuuteqarnermut, Ilisimatusarnermut Suliffeqarnermullu Naalakkersuisoqarfimmut maalaarsinnaavutit. Maalaaruteqarneq qarasaasiakkut pisarpoq, ugguuna: https://www.sullissivik.gl/Forms/Klageskema-Midlertidig-loenkompensation-for-loenmodtagere-paa-det-private-arbejdsmarked?sc_lang=kl-GL&mupid=Sermersooq